

FAAFINTA

الرسمية

OFFICIAL



RASMIGA AH

الجريدة

BULLETIN

EE JAMHUURIYADDA SOOMAALIYA

Sanadka 11aad

Muqdisho, 31 DECEMBER 2024

Lr.5

Waaxda Maamulka Faafinta Rasmiga ah
Ee Xafiiska Garyaqaanka Guud ee Dawladda

FAAFIN BIL SOO BAXA

Qiimaha waa \$XXX Dollar, lambar waliba – **RUKUNKA**: Sanaddii waa \$XXX Dollar, Soomaaliya gudaheeda – Dibaddeedana waa \$XXX Dollar. Rukunka la weydiisto waqtiga loo gooyay wuxuu ka bilaabmaa 1 Janaayo. Qiimaha Qoritaanku F.R halkii sadar iyo wixii ka yar waa \$XXX Dollar – Rukunka iyo Qoritaanku waxaa la weydiistaa Laanta Maamulka Faafinta Rasmiga ah – Lacagta waxaa lagu bixiniyaa Xafiiska Canshuuraha ee Wasaaradda Maaliyadda.

KOBNIIN**BOGGA KOOWAAD****SHARCI**

W.M

BOGGA LABAAD

XEER

BOGGA SEDDEXAAD**TALOOYIN, ISGAARSIIN, OGAYSIIS, IWM****NOVEMBER-DECEMBER****2024**



FEDERAL REPUBLIC OF SOMALIA
OFFICE OF THE PRESIDENT

SHARCI LR.32

TAARIIKH: 24-TA DISEEMBAR 2024

SHARCIGA HAY'ADDA SHARCIYAYNTA ADEEGYADA BAARITAANKA &
BEERAHA SOOMAALIYEED

MADAXWEYNAHA J.F.S,

MARKUU ARKAY: Qodobka 87^{aad}, Faqradda 1^{aad} iyo Faqradda 2^{aad} ee
Dastuurka KMG.
MARKUU ARKAY: Qodobka 82^{aad}, Faqradda 3^{aad} ee
Dastuurka KMG.
MARKUU ARKAY: Qodobka 90^{aad}, Xarafka "F" ee Dastuurka KMG.
MARKUU ARKAY: Warqadda Guddoomiyaha Golaha Shacabka ee
summaddedu tahay XGGSH/656/B11/24, ku
taariikheysan 23/12/2024, ujeeddaduna tahay Soo
Gudbin Ansixinta "Hindisaha Sharciyeedka
Hay'adda Sharciyeeynta Adeegyada &
Baaritaanka Beeraha Soomaaliyeed.
MARKUU TIXGELIYAY: Baahida loo qabo in la meel mariyo sharcigan.

Waxa uu Madaxweynuhu soo saaray sharcigan:

Qodobka 1^{aad}

Laga billaabo marka uu Madaxweynuhu saxiixo Sharcigan, waxaa si rasmi ah loo
oggolaaday Sharciga Hay'adda Sharciyeeynta Adeegyada & Baaritaanka Beeraha
Soomaaliyeed.

Qodobka 2^{aad}

Waxa uu sharcigan dhaqan gelayaa isla marka uu Madaxwaynaha J.F.S saxiixo,
waxaana lagu soo daabici doonaa Faafinta Rasmiga ee J.F.S.



Madaxweynaha J. F.S.

Mudane Dr. Xasan Sheekh Maxamuud

Address: Office of the President, Villa Somalia, Mogadishu, Somalia

Tell: +252 1 861000 / 261000 | Email: contact@presidency.gov.so | Web: www.villasomalia.gov.so

Tusmo;

QODOBADA GUUD	1
Qodobka 1aad	1
Magaca Sharciga	1
Qodobka 2aad	1
Baaxadda Sharciga	1
Qodobka 3aad	1
Qodobka 4aad	2
Ujeedada Sharcigan	2
CUTUBKA 2AAD	3
MIISAANIYADDA IYO QAAB-DHISMEEDKA HAY'ADDA SARIS	3
Qodobka 5aad	3
Miisaaniyadda Hay'adda	3
Qodobka 6aad	3
Qaab-dhismeedka Hay'adda iyo Muddada Xil-Haynta Golaha Hay'adda	3
Qodobka 7aad	4
Shuruudaha Xubinnimada Golaha SARIS	4
Qodobka 8aad	4
Wajibaadka Golaha Hagista (Board of Directors) SARIS	4
Qodobka 9aad	5
Kulamada Golaha Hay'adda	5
Qodobka 10aad	5
Gunnada Xubnaha Golaha Hay'adda	5
Qodobka 11aad	6
Muddada Xil-haynta Maareeyahaa iyo Maareeye Ku xigaanka Hay'adda	6
Qodobka 12aad	6
Shuruudaha Maareeyaha iyo Maareeye ku xigeenka	6
Qodobka 13aad	6
Magacaabista Maareeyaha iyo Maareeye ku xigeenka	6
Qodobka 14aad	6
Awoodaha Maareeyaha Hay'adda	6
Qodobka 15aad	7
Awoodaha Maareeye Ku-xigeenka	7
Qodobka 16aad	7
Sababaha lagu waayi karo xilka Golaha	7



Qodobka 17aad.....	8
Shuruudaha iyo Qaadashada Shaqaalaha SARIS	8
Qodobka 18aad.....	8
Waajibaadka Shaqada.....	8
Qodobka 19aad.....	8
Sababaha lagu waayi karo xilka.....	8
Qodobka 20aad	9
Xafiisyada SARIS	9
Qodobka 21aad.....	9
Awoodaha SARIS.....	9
Qodobka 22aad	10
Baaritaanka SARIS	10
Qodobka 23aad	10
La-shaqeynta SARIS.....	10
Qodobka 24aad	11
Xeer-nidaamiyaal Hagaya Shaqada Hay'adda	11
Qodobka 25aad	11
Dukumintiyada Dadweynaha	11
Qodobka 26aad	11
Dowrka Wasaaradda Beeraha kaga aadan SARIS.....	11
Qodobka 27aad	12
Cabasho	12
Qodobka 28aad	12
Hab-raaca Caddaaladda.....	12
Qodobka 29aad	12
Ujuurooyinka iyo Khidmooyinka.....	12
Qodobka 30aad	13
Qoondeynta shaqaalaha farsamo ee muhiimka ah	13
Qodobka 31aad.....	13
Dib-u-eegista Sharciga	13
Qodobka 32aad	13
Baabi'in.....	13
Qodobka 33aad	13
Dhaqan-galka Sharciga	13



CUTUBKA 1AAD QODOBADA GUUD

Qodobka 1aad Magaca Sharciga

Sharcigaan waxaa lagu magcaabaa “Sharciga Hay’adda Sharciyeynta Adeegyada & Baaritaanka Beeraha Soomaaliyeed”- Somali Agricultural Regulatory and Inspection Services (SARIS) Law.


Qodobka 2aad Baaxadda Sharciga

1. Hay’adda Sharciyeynta Adeegyada & Baaritaanka Beeraha Soomaaliyeed (SARIS) waxaa loo dhisay oo haddii la soo koobo shaqadeedu tahay Baadhitaanka iyo Kontoroolka kimikooyinka, Sumaha, dullinida iyo Bacrimiyayaasha beeraha ee xad dhuleedka JFS sida;
 - b. Kormeerka hawlaha bedqabka Beeraha ee Soomaaliya gudaheeda;
 - t. Ka badbaadada dhirta & dhul beereedka Soomaaliyeed khataraha ay keenaan sumaha iyo kimikooyinka Beeraha.
 - j. Hirgelinta tallaabooyinka xakameynta kiimikooyinka Beeraha.
 - x. Baaritaanka & Caddeynta abuurka iyo noocyada dhirta iyadoo la kaashanaysa Waaxda Cilmi Baarista iyo Fidinta Abuurka(Research-ka iyo extention-ka) ee abuurku hoos tago.
 - kh. Baaritaanka tayada bacramiyayaasha Iyo caddeyntooda
 - d. Baaritaanka tayada sumaha iyo caddeyntooda
 - r. Xakameynta dullinada iyo la imaatinka nidaamyo lagula socda.

Qodobka 3aad Eray Bixin

Ayada oo la eegayo ujeedada Sharcigani, haddii aan macnaha si kale loo dhigin, ereyada soo socda waxaa loo qaadanayaa mid walba qeexidda ku hor qoran:

1. **“Kiimikooyinka Beeraha”** Waxaa loola jeedaa bacramiyeyaasha, Xakameeyeyaasha kobaca, fermoonis (**Pheromones**), iyo kiimikooyinka badbaadinta dhirta ay ka mid yihiin, fangi- dileyaasha, Dullin-dilayaasha, nema-dilayaasha (**Nematicides**), geed-hoosaad-dilayaasha, caaro- dilayaasha,



bakteeriya-dilayaasha, jiir-dilayaasha, dixri-dilayaasha, shimbir-dilayaasha, Dullin-dilayaasha, kiimikooyinka noolaha saameyn ku lahayn, nooleyaha bacramiye ama kiimiko kasta oo kale oo loo isticmaalo kor u qaadista, ilaalinta caafimaadka dhirta iyo waxsoo saarka dhirta iyo waxyaabaha ka dhasha;

2. **“Beeraha”** waxaa loola jeedaa dhul cayiman oo loo asteeyay ama loogu tala-galay ku dhaqanka ku saabsan tacabashada dalagyada si loogu adeegsado quud ama ganacsi;
3. **“Cilmiga Beeraha”** waa barashada aqoonta iyo dhaqanka beerista beeraha;
4. **“Wasiir”** waxaa loola jeedaa Wasiirka Wasaaadda Beeraha iyo Waraabka ee JFS;
5. **“Wasaarad”** waa Wasaaradda Beeraha iyo Waraabka ee JFS;
6. **“SARIS”** waa Hay’adda Sharciyeynta Adeegyada & Baaritaanka Beeraha Soomaaliyeed “Somali Agricultural Regulatory and Inspection Services (SARIS)”;
7. **“Iibin”** waxaa loola jeedaa bixinta, xayeysiinta, xafididda, shaacinta, gudbinta, gaarsiinta, geynta ama kala-beddelashada;
8. **“Dulin”** waxaa loola jeedaa noole kasta (dhir, xayawaan, cayayaan, jeermis, IWM) ee jooga goob iyo waqti aan loo baahneyn waxyeelana u geysan kara si toosa ama dadban dhir, dalag, xoolo iyo dad;

Qodobka 4aad Ujeedada Sharcigan

Ujeedooyinka sharcigaan waa:

1. In uu dhaqo dhammaan mas’uuliyadaha loo xilsaaray hay’adda in ay fuliso, ayna matashaa hay’adda dawladeed ee u qaabilsan si waafaqsan Sharciga Noocyada Ayniga dhirta, Sharciga Xakameynta Kiimikooyinka Beeraha, Sharciga Badbaadada Dhirta iyo Takoorka, iyo shuruucda kale ee loo xilsaaro had iyo jeer, iyo sidoo kale la-imaatinka xeer hoosaadyo.
2. In uu nidaamiyo ku dhaqanka iyo maareynta Kiimikooyinka Beeraha, Caafimaadka, Badqabka iyo Arrimaha Deegaanka, Cilmiga Beeraha, Maamulka Ganacsiga ama Maareyntiisa.



3. In uu xaqiijiyo xasiloonaada iyo hurumarka wax-soo-saarka beeraha, iyada oo la kaashanaayo ka hortaga soo galida iyo faafidda dulinnada.
4. In uu nidaamiyo maamulka dhammaan arrimaha la xariiro Abuurka iyo Noocyadda dhirta ee Jamhuuriyadda Federaalka Soomaaliya iyo inuu dejiyo mabaadi'da aasaasiga ah iyo habraacyadda abuurka iyo kooxaynta dhirta.

CUTUBKA 2AAD

MIISAANIYADDA IYO QAAB-DHISMEEDKA HAY'ADDA SARIS

Qodobka 5aad

Miisaaniyadda Hay'adda

1. Miisaaniyadda Hay'addu waxay ka mid noqoneysaa miisaaniyadda guud ee Qaranka
2. Hay'addu waxay u madax-bannaan tahay maamulka miisaaniyaddeeda iyadoo raacaysa Xeerka maamulka miisaaniyadda ee Xukuumadda JFS.

Qodobka 6aad

Qaab-dhismeedka Hay'adda iyo Muddada Xil-Haynta Golaha Hay'adda

1. Hay'adda SARIS waxay yeelanaysaa Golaha Hagista (Board of Directors) oo ka kooban 11 xubnood kuwaas oo boqolkiiba soddon ay haween yihiin lehna qaab – dhismeedka soo socda:
 - b. Maareeyaha iyo Maareeye ku xigeenka hay'adda oo lagu soo doortay si waafaqsan Qodobka 13aad ee Sharcigan; iyo
 - t. 9 Xubnood oo ah Wakiilo laga soo magacaabay:
 1. Beeraleeyda/Iskaashatooyinka beeraha
 2. Ganacsatada Beeraha ee Diiwaangashan
 3. Rugta Ganacsiga Soomaaliyeed
 4. Wasaaradda Beeraha iyo Waraabka
 5. Wasaaradda Xanaanada Xoolaha, Dhirta iyo Daaqa.
 6. Wasaaradda Deegaanka & Isbedelka Cimillada.
 7. Wasaaradda Maaaliyadda
 8. Wasaaradda Kalluumeysiga iyo Dhaqaalaha Buluugga ah.
 9. Wasaaradda Caafimaadka.



2. Golaha Maamulka Hay'adda SARIS waxay iska dhex dooranayaan Guddoomiye iyo Guddoomiye ku xigeen lakiin Maareeyaha iyo Maareeye Ku xigeenka isuma sharxi karaan xilka Guddoomiyaha iyo Guddoomiye ku xigeenka Golaha.
3. Xubnaha waxa ay xafiiska hayn karaan muddo dhan afar (4) sano, waxaana loo cusbooneysiin karaa hal mar oo kaliya.

Qodobka 7aad

Shuruudaha Xubinnimada Golaha SARIS

1. Waa in uu yahay muwaadin Soomaaliyeed.
2. Waa in da'diisu ka yareyn 35 (soddon iyo shan) sano.
3. In uu haysto shahaado Jaamacadeed oo la aqoonsanyahay uuna ku bartay culuumta beeraha, maamulka iyo maareynta iyo wixii la xariira.
4. Xubinta waa in uusan horey u gelin fal-dambiyeed ay Maxkamadi si kama dambays ah ugu xukuntay.
5. In uu leeyahay ugu yaraan 2 sano oo waaya-aragnimo ah ee Cilmiga Beeraha, maamulka iyo maareynta iyo wixii la xariira.
6. Xubinta waa in ay leedahay akhlaaq suuban, hufnaan iyo karti uu ku gudan karto shaqadeeda.

Qodobka 8aad

Waajibaadka Golaha Hagista (Board of Directors) SARIS

1. Waxay meel-mariyaan miisaaniyada, qaab dhismeedka waaxyaha iyo Qorshe-hoowleedka Hay'adda kaddib marka uu horkeeno Maareeyaha.
2. Golaha maamulka iyo maareeyaha waa in ay ku soo saaraan shirkooda ugu horreeya waajibadka shaqo ee agaasime waaxceedyada hay'adda.
3. Waxay ku kormeeraan Maamulka hay'adda fulinta howlihii loo Xilsaaray.
4. Waxay qiimeyaan ka dibna ansixiyaan xeer-hoosaadyada hay'adda.



Qodobka 9aad

Kulamada Golaha Hay'adda

Golaha Hay'adda SARIS wuxuu yeelan karaa shir caadi ah iyo shir aan caadi ahayn haddii loo baaahdo, waxayna u dhici karaan sida soo socoto:

1. Kooramka Hay'adda SARIS waxa uu ku guntamaa lix (6) xubnood.
2. Kulamada caadiga ah ee Golaha waxay noqonayaan sadexdii bilba mar. Haddii aysan Goluhu go'aansan in la qabto waqti ka duwan, waxaana isugu yeeraya guddoomiyaha golaha.
3. Kulamada caadiga ah xubin kasta waxay xaq u leedahay in la soo gaarsiiyo ajendaha shirka ugu yaraan 24 (labaatan iyo afar) saac ka hor inta uusan qabsomin shirka.
4. Guddoomiyuhu wuxuu isugu yeeri karaa kulan deg deg ah oo aan caadi ahayn haddii loo baahdo, sidoo kale haddii ay soo jeediyaan 1/3 (saddex meelood hal meel) ee xubnaha Golaha.
5. Go'aanka aqlabiyadda xubnaha Golaha ee shirka jooga ayaa noqonaya go'aanka kama dambeyska ah ee Golaha, haddii ay dhacdo inay isla ekaadan codadka diidmada iyo ogolaanshaha ee Golaha, codka qofka shirka guddoominaya ayaa loo xisaabinayaa laba (2) cod.

Qodobka 10aad

Gunnada Xubnaha Golaha Hay'adda

1. Golaha Maamulka hay'addu Shaqadoodu waa shaqo waqti dhiman (Part-time), mana lahan Mushahaar joogto ah marka laga reebo Maareeyaha iyo Maareeye ku xigeenka.
2. kow iyo (11) xubnood oo aanay ku jirin Maareeyaha iyo Maareeya ku xigeenku waxa kaliya oo ay xaq u leeyihiin gunno lagu siinayo fadhiyadooda oo looga bixinayo kharashka ku galay ka soo qayb galka kulamada.
3. Gunnada xubnaha Goluhu (board of Directors) ku helayaan fadhiyadooda waxaa lagu qeexi doonaa xeer nidaamiyaha Hay'adda.



Qodobka 11aad

Muddada Xil-haynta Maareeyahaa iyo Maareeye Ku xigaanka Hay'adda

Maareeyaha iyo Maareeye ku xigeenka Hay'adda SARIS ee Soomaaliyeed waxay xilka haynayaan mudo shan (5) sano ah oo la cusboonaysiin karo hal mar.

Qodobka 12aad

Shuruudaha Maareeyaha iyo Maareeye ku xigeenka

1. Maareeyaha iyo Maareeye ku xigeenka waa ina ay leeyihiin khibrad iyo shahaadooyin la hubiyey ka heystaan mid ka mid takhasusyada soo socda:
 - b. Kiimikooyinka Beeraha;
 - t. Caafimaadka, Badqabka iyo arrimaha deegaanka;
 - j. Cilmiga Beeraha;
 - x. Sharciga; ama
 - kh. Maamulka ganacsiga ama maareynta
2. Maareeyaha iyo Maareeye ku xigeenka waa in aaney noqon milkiile, saamile, agaasime, sarkaal, shirkad ama si kale uusan ugu jirin ganacsiga soo saarista, iibinta, soo-gadashada, gudbinta, dhoofinta, soo-dejinta ama si kale uusan ugu lug lahayn ganacsiga kiimikooyinka Beeraha iyo abuurka ee Soomaaliya.

Qodobka 13aad

Magacaabista Maareeyaha iyo Maareeye ku xigeenka

Magacaabista Maareeyaha iyo Maareeye ku xigeenka Hay'adda waxaa soo jeedinaya Wasiirka Wasaaradda Beeraha & Waraabka XFS, waxaana ansixinaya Golaha wasiirada ee Xukuumadda Federaalka Soomaaliya.

Qodobka 14aad

Awoodaha Maareeyaha Hay'adda

1. Maareeyaha Hay'adda SARIS ee Soomaaliyeed waa masuulka ugu sareeya waana hagaha iyo madaxa maamulka hay'adda SARIS.
2. Waxaa uu masuul ka yahay fulinta howl-maalmeedka Hay'adda.



3. Waxaa uu ku matalaa magaca hay'adda xiriirka ay la leedahay Hay'adaha kale ee Dowladda, kuwa aan dowliga ahayn iyo Xiriirka Hay'adaha Caalamiga ah.
4. Waxa uu diyaariyaa,fuliyaana qorsha-howleedka hay'adda kadib marka ay ansixiyaan Golaha maamulka.
5. Wuxuu u kuur-galaa fulinta dhammaan hawlaha Hay'adda ee ku cad sharcigan.
6. Waxa uu magacaabayaa agaasimayaasha waaxyaha Hay'adda iyo Madaxda Xafiisyada Dawlad-goboleedyada Xubnaha ka ah Dowlada Federaalka.
7. Wuxuu magacaabi karaa guddiyo farsamo asaga oo kusoo xulaaya aqoon iyo takhasus, iyo
8. Wixii kale ee Sharcigan iyo xeer-hoosaadka hay'addu u xilsaaro.
9. Wuxuu diyaariyaa una gudbiyaa Golaha Hay'adda warbixinta iyo xisaabxirka Hay'adda.

Qodobka 15aad


Awoodaha Maareeye Ku-xigeenka

1. Wuxuu buuxiyaa kaalinta Maareeyaha marka uu maqan yahay ama ay ku yimaadaan duruufo ka hor-istaagi kara gudashada waajibaadkiisa.
2. Wuxuu qabanayaa wixii kale ee uu Maareeyuhu u xilsaaro.

Qodobka 16aad

Sababaha lagu waayi karo xilka Golaha

1. Dhammaan Golaha Hay'adda waxay xilka ku waayi karaan arrimaha soo socda:
 - b. Geeri;
 - t. Is-casilaad la aqbalay;
 - j. In caafimaad-darro awgeed u-gudan waayo waajibaadkiisa;
 - x. In lagu helo danbi la xariira shaqadiisa ama maxkamadi xukunto si kama danbaysa;
 - kh. Maareeyaha iyo Maareeye ku xigeenka waxay sidoo kale xilkooda ku waayi karaan sidii lagu soo magacaabay.



Qodobka 17aad
Shuruudaha iyo Qaadashada Shaqaalaha SARIS

1. Waa in aan qof la magacaabin ama uusan shaqaalaha SARIS sii ahaan karin haddii uu qofkaasi yahay mulkiile, saamile, agaasime, sarkaal, shirkad/hay'ad ama si kale uusan ugu jirin ganacsiga soo saarista, iibinta, soo-gadashada, gudbinta, dhoofinta, soo-dejinta ama si kale uusan ugu lug lahayn ganacsiga Kiimikooyinka Beeraha iyo abuurka ee Soomaaliya, ama uu wax xiriir ah, ammaah ama deyn kale uu la leeyahay shirkad/hay'ad ku lug leh ganacsi noocaasi ah.
2. Magacaabis kasta oo ku saabsan u adeegidda SARIS waa in ay ahaataa mid ku saleysan mudnaan iyo waafaqsanaanta sharciga.
3. Shaqaalaha SARIS waxaa loo qaadanayaa habka shaqo qorista shaqaalaha rayidka dawladda ee uu Maamulo Guddiga Qaran ee Shaqaalaha Rayidka Soomaaliya si loogu aqoonsado in ay yihiin shaqaale Rasmi ah..
4. SARIS waxa ay ku maamuleysaa shaqaalaha la qaatay, si waafaqsan Sharciga Shaqaalaha Rayidka Soomaaliya.

Qodobka 18aad
Waajibaadka Shaqada

Shaqaalaha SARIS waxaa waaajib ku ah:

1. In ay si aaminaad leh u gutaan waajibaadkooda shaqo si waafaqsan sharciga,
2. In ay u shaqeeyaan si eex la'aan ah oo daacad ah.
3. in aysan uga faa'iideysan shaqadooda raadinta faa'iidooyin sharci-darro ah.
4. In ay xifdiyaan qarsoodinnimada sirta ganacsiga ee shakhsiga iyo shirkadaha.

Qodobka 19aad
Sababaha lagu waayi karo xilka

1. Dhammaan shaqaalaha Hay'adda waxay xilka ku waayi karaan arrimaha soo socda:
b. Geeri;



- t. Is-casilaad la aqbalay;
- j. In caafimaad-darro awgeed u-gudan waayo waajibaadkiisa;
- x. In lagu helo danbi la xariira shaqadiisa ama maxkamadi xukunto si kama dambays ah.

Qodobka 20aad

Xafiisyada SARIS

1. Hay'adda Adeegyada iyo Baaritaanka Beeraha Soomaaliyeed xarunteeda dhexe waa Muqdisho, waxayna xarumo ku yeelanaysaa dhaaman dowlad goboleedyada dalka.
2. Hay'adda SARIS waxa ay kormeerid joogto ah ku sameyneysaa dhamaan xarumaha dowlad goboleedyada dalka.
3. Xafiis kasta oo ay SARIS ka fureyso dowlad goboleedyada waa in ay ku wargelisaa Wasaaradda Beeraha & Waraabka XFS.
4. Xafiiska hay'adda waa in uu qabtaa codsiyada, go'aamada, dikreetooyinka iyo ammarrada looga baahan yahay hay'adda ama xaq u leedahay in ay qabato kuwaasi oo gebi ahaanba ku jira gudaha xuddudaha Dowlad Goboleedyada laga dhisay.

Qodobka 21aad

Awoodaha SARIS

Waajibaadka iyo awoodaha Hay'adda SARIS waxaa ka mida ah:

1. Dejinta xeer-nidaamiyaal si waafaqsan sharcigan oo lagu xakameynaayo tayada sumaha beeraha, bacrimiyaasha, abuurka iyo dalagyada beeraha.
2. Yagleelidda sheybaar lagu hubiyo tayada iyo badqabka dalagyada beeraha iyo dhirta dalka la soo geliyo ama laga dhoofiyo, sumaha, bacrimiyaasha iyo abuurka.
3. Diiwangelinta shirkadaha/dadka soosaara, warshadeeya, soo dejiya, dhoofiya sumaha, bacrimiyaasha, dhirta, abuurka IWM.
4. Diiwangelinta, kormeerka, baarista, bixinta shahoodooyinka sumaha, bacrimiyaasha, dhirta, abuurka IWM.



5. Baarista, xakameynta iyo karantiilka dullinada beeraha iyo dhirta dalka soo gelaya iyo la imaatinka nidaamyo lagula socdo.
6. Iskaashiga hay'adaha shisheeye, wasaaradaha ama waaxyaha u qaabilsan sharcileynta beeraha iyo adeegyada beeraha ee ka jira waddamada deriska, gobolka, qaaradda Afrika iyo caalamka ee arrimaha ku saabsan iibsiga waxyaabaha u kala gooshayo xuduudaha ay ka mid yihiin sumaha, bacriymiyaasha ,dalagyada beeraha kasoo go'a , dhirta, abuurka IWM.
7. Soo rogidda ciqaabaha ka dhasha jebinta go'aan, ammar ama jihayn kasta oo ay soo saartay hay'adda si waafaqsan sharcigan iyo sharciyada kale ee dalka.

Qodobka 22aad **Baaritaanka SARIS**

1. Hay'adda SARIS, ayadoo gudaneyso waajibbeedka shaqo, waxay baaris ku sammeyneysaa adeegyada iyo hawlaha la xariira beeraha sida abuurka, dalagyada, dhirta, sumaha , bacrimiyaasha IWM, si waafaqsan mabaadi'da iyo ujeedooyinka sharcigan.
2. Waa waajib saaran SARIS inay baarto haddii ay jiraan shuruudo la jabiyay ama la jabinayo ayna soo saarto warbixino, go'aanno, amarro ama jihayn la xiriirta natijada baarista.

Qodobka 23aad **La-shaqeynta SARIS**

1. Hay'adda SARIS, xubnaheeda iyo shaqaalaheeda marka ay u gudanayaan mas'uuliyadahooda si waafaqsan sharciga, dadka ama shirkadaha uu ku socdo kormeerka ama baaritaanka waa in ay la shaqeeyaan ayna bixiyaan dukumintiyada iyo agabka saxda ah ee loo baahan yahay.
2. Waxaa reeban diidmada la shaqeynta, ishor-istaaga kormeerida ama qarinta dukumintiyada ama agabka loo baahan yahay ee la xiriirta shaqada hay'adda taasoo ka dhalaneyso ciqaab waafaqsan sharcigan iyo shuruuca kale ee dalka.



Qodobka 24aad
Xeer-nidaamiyaal Hagaya Shaqada Hay'adda

1. Kadib, marka ay SARIS wadatashi la sameyso wasaaradda, waxay dejineysaa xeer nidaayimyaal cusub ama dib u eegis ku sameynaysa xeer hoosaadyo hore ujiray hadii ay ubaahato qaabeynta iyadoo tixgelineyso waajibaadyadeeda iyo masuuliyadahadeeda si loo xaqiijiyo shaqo hufan ee adeegyada ay hay'adda fuliso.
2. SARIS marka ay dejineyso ama dib u eegis ku sameyneyso xeer nidaamiyaasha waa inay ku dhistaa mabaadii'da ah cadaalad, hufnaan, daahfurnaan, madax banaani iyo isla xisaabtan.


Qodobka 25aad
Dukumintiyada Dadweynaha

Hay'adda SARIS waxa ay dadweynaha u shaacisaa:

1. Xeer nidaamiyaasha ay sammeeysay SARIS iyadoo raaceysa qodobka 24aad ee sharcigan;
2. Go'aamada, ammarrada iyo dikreetooyinka ay soo saartey SARIS;
3. Ciqaabaha ay soo rogeyso SARIS;

Qodobka 26aad
Dowrka Wasaaradda Beeraha kaga aadan SARIS

1. Hay'adda SARIS waxay hoos timaadaa Wasaaradda Beeraha iyo Waraabka DFS, waxayna Wasaaraddu ku leedahay dowr weyn hagista hawlaha Hay'adda, siyaasadda iyo qorshe hawleedka ay ku shaqeeyso.
2. Marka ay gudaneyso Hay'adda SARIS Waajibaadyadeeda ku xusan Sharcigaan, SARIS waa in ay tixgelisaa Siyaasadaha iyo qorshayaasha ay soo saartay Wasaaraddu ama dalka u dejiisan.
3. Hay'adda SARIS oo ah Hay'adda leh hawlo takhasus Beereed iyo hawlo farsamo oo la xidhiidha eyniyada Noocyada dhireed, Kimikooyinka, Sumaha iyo Bacriminta Beeraha waxay u madaxbannaan tahay in ay go'aamo cilmiyeysan ka gaadho hawlaheeda iyo masuuliyadeeda farsamo ee u gaarka ah.



Qodobka 27aad

Cabasho

1. Marka laga reebo sida ku xusan qodobkaan, go'aan, ammar ama dikreeto kasta ee ay soosaarto SARIS waa kama dambeys.
2. Cabasho go'aan, amar ama jhayn ay soo saareen xafiisyada hay'adda ee Dowladd Goboleedyada waxaa loo gudbinayaa SARIS.
3. Cabashooyinka la xiriira sharcinimadda iyo awoodda ee go'aannada, amarrada iyo jihanyta ay soo saarto SARIS waxaa looga racfaan qaadanaya Maxkamadda Sare sida ku qeexan qodobka 26aad ee sharcigan, si kale rafcaan loogama qaadan karo SARIS, Si kale racfaan loogama qaadan karo go'aanada SARIS.
4. Codsiga cabashada waa in la gudbiyaa soddon (30) beri gudahood kaddib soo saarista go'aanka, ammarka ama dikreetada la rabo in racfaanka laga qaato.

Qodobka 28aad

Hab-raaca Caddaaladda


Iyadoo gudanaysa mas'uuliyadaheeda ku xusan sharcigan, SARIS waa:

1. In ay ogeysiisaa shakhsiyaadka daneynaya codsi kasta ee la qabtey ama dhageysi kasta oo SARIS ay qaban doonta sida ku cad sharcigan;
2. In ay bixisaa sababo qoraal ah oo ku saabsan go'aamadeeda, ammarradeeda, iyo jihaynteeda, sababahaasi oo ay tahay in la bixiyo waqtiga go'aanka, ammarka ama jhaynta;
3. In go'aan, amar ama jhayn kasta oo la soo saaraayo kadib dhageysi, waa in lagu saleeyaa cadeymaha, doodaha iyo macluumaadka lagu soo bandhigay dhageysiga.

Qodobka 29aad

Ujuurooyinka iyo Khidmooyinka

1. SARIS, oo ujeedkeedu yahay soo celinta dhammaan ama qayb ka mid ah kharashaadka waxay go'aamineysaa iyadoo tixgelinayo mas'uuliyadaheeda ku



xusan sharcigan iyo shuruucda kale dalka ayna soo rogeysaa ujuurooyin iyo khidmooyin shirkad/shakhsi kasta oo heysata shati lagu bixiyey sharcigan isla markaana dejinaysaa hab loo xisaabiyo ujuurooyinka iyo khidmooyinka ay bixinayso shirkad/shakhsi si lacag loogu shubo sanduuqa qasnadda guud.

2. SARIS waxay sidoo kale qeexaysaa qiimaha dulsaarka ama qaabka loo xisaabiyo qiimaha ganaaxa ay bixineyso shirkad/shakhsi ee ku saabsan ujuurada iyo khidmada uu bixiyo qofka ama shirkadda marka la joogo ama ka hor taariikhda la doonayo in la bixiyo.

Qodobka 30aad

Qoondoynta shaqaalaha farsamo ee muhiimka ah

Maareeyaha hay'adda isaga oo tixgelinaya aqoonta iyo takhasuska wuxuu soo magacaabayaa Xubnaha Shaqaalaha Farsamada iyo Agaasimeyaasha Dowlad Goboleedyada.

Qodobka 31aad

Dib-u-eegista Sharciga

Sharcigaan waxaa dib-u-eegis lagu sameyn karaa goorwalba ee loo baahdo.

Qodobka 32aad

Baabi'in

Sharci walba oo ka soo horjeeda sharcigan waa waxba kama jiraan.

Qodobka 33aad

Dhaqan-galka Sharciga

Sharcigaan waxa uu dhaqan-galayaa marka uu ansixiyo Baarlamaanka Jamhuuriyadda Federaalka Soomaaliya, uuna Saxiixo Madaxweynaha JFS, laguna soo saaro Faafinta Rasmiga ah ee Dowladda Federaalka Soomaaliya.

